



ROSABELLE ILLES

A PUBLICA SU PROME BUKI "BEYOND INSANITY"

**UN PUBLICACION CU LO BO KERE DI UN
HOBEN ESCRITOR CU LO TA RIBA UN
CAMINDA DI BUSKEDA, ALCONTRARIO E
BUKI TA UNO CU TA DUNABO DIRECCION**

fantasia di infancia Rosabelle Illes, na edad di 6 aña a cuminsa ta pone su sentimento y pensamentonan den palabra di cual e tabata forma poema y mensahenan pa e sernan keri cu ta

tur locual cu e ta ricibi y wordo ilumina pa skirbi, ela sigi dedica su escrituranan na sernan special den su bida pero alaves ela habri su mes pa comparti y transmiti e mensahe y informacionnan cu e

ta ricibi for di diferente frecuencia y canalnan di universo. Rosabelle Illes su buki "Beyond Insanity" (Mas aya di Locura) ta ilustra escrituranan cu humanidad no tin

Mescos cu un formacion di candela ta ser causa pa un chispa di un vlam chicito, asina e hoben Rosabelle Illes a causa un explosion di naturaleza door di pone den palabra, mensahe y expresionnan locual su tercer wowo ta mira y locual cu ta brota for di profundidad di su alma y su mente mistico. E hoben Rosabelle Illes, bou di su motto "born to do it, alive to live it" (naci pa hacié, na bida pa bibé) ta pone su prome buki di escritura riba plaza cu ta hiba e titulo di "Beyond Insanity". Sigur, no un titulo comun y mas aun cu e ta bini di un hoben escritor di apenas 17 aña.

Fragil, sencilla y den su mundo di

rondone. Su escrituranan di infancia cada dia tabata bira algo inevitable den e famia na ocasionnan special y festivo. Pero na edad di 12 aña, despues di a sigi cursonan di Energia Universal unda despues ela dedica e poema "Heaven on Earth" na su tata Eric Illes, e chispa di candela den Rosabelle a brota y e vlamnan a expande y Rosabelle a cuminsa explora un mundo di curiosidad. Inspira y motiva pa su mama Betty Werleman, Rosabelle a sigi Energia Universal y lesnan di Reiki unda eynan su inspiracionnan a mira e luz y a hiba Rosabelle na un creashon mas aya y hopi spiritual. For di e tempo ey Rosabelle a sigi skirbi



normalmente como principio di bida y ta poema-nan y mensahenan cu ta pone un ser humano refleha, cuestiona y bira curioso pa sa mas di e mundo aya of pa descubri e secretonan scondi cu tin den cada ser humano. Unavez cu e curiosidad aki yega e nivel deseá e ser humano lo laga los y lo cuminsa confia mas den su propio ser y alcansa frecuentianan desconoci pe.

"Beyond Insanity", un buki cu lo sacudi e bida diario di hopi di nos hendenan serca kendenan lo lanta e observacionnan riba e razon di existencia y e berdad di bida.

Un obra literal unda hendenan cu sa di dedica tempo na e buki lo aprecia e balor di un hoben, pasobra enbes cu bo ta spera cu e hoben escritor aki ta riba un caminda di buskeda – locual ta ser spera tambe di un teenager – e obra "Beyond Insanity" ta di duna un direccion. Lo no tin preguntanan di adolescencia, pero siguridadnan cu no tin nada di haber cu edad.

Den bida Rosabelle sa tambe locual cu e kier, aunke desde cu ela experiencia un confrontacion intenso e la cambia drasticamente su propio imagen como su formacion

. E confrontacion tabatin di haber cu e diferencia grandi cu tabatin entre su propio imagen y con otronan tabata pensa di dje.

Ta parse cu esaki no tabata solamente un "wake up call", un momento critico den su bida, pero al final e tabata tambe e fuente di su prome coleccion di poema cu riba un manera particular a wordo presenta.

E hecho di kima un ehemplar di e buki "Beyond Insanity" (candela) ta e manera cu e hoben escritor Rosabelle a escohe pa debolbe bek na e lus locual

cu ela ricibi for di dje, lagando un pasado atras. E pasado aki ta momentonan cu Rosabelle tabata continua cu su cursonan di Energia Universal y Reiki, unda un dado momento e la ser puntra kiko su intencionnan ta cu e curso y cu si e ta honesto cu su mes.

E cursistanan cu tabata hunto cune a ser pidi pa expresa nan sentimento pa/cu Rosabelle. Na su turno Rosabelle a ser confronta cu tur sorto di opinion y juzgamento den cual e mes no tabata reconoce su mes. Rosabelle kier a deshaci di tur esaki, esta su rabia, frustracion y tristesa, door di kima tur e papelnan aki. E situacion a bai for di man y un candela a pega den Rosabelle su kamer. Candela, e elemento puro di cual Rosabelle for di chikito tabatin miedo di dje. Esaki tabata e prome biaha cu Rosabelle consiente a experiencia reaccionnan negativo y cu a toké profundamente.

Mientras tanto Rosabelle a laga tur esaki atras, pero aún tur esaki ta keda hopi importante pe ya cu ela hibe na unda cu e ta awor.

E cursistanan tabata destina pa asina Rosabelle por a haya su experiencia spiritual. Na momento cu candela a pega y cu e situacion tabata bayendo foi man, Rosabelle a tene combersacionnan profundo cu tur cu e conoce di universo y ela bin haya sa pakiko tur cos a sosode asina y kiko lo e tin cu cambia na su actitud.

E incidente aki a lanta e sentimento serca Rosabelle cu e tabata bezig cu algo robez, te na e momento cu ela realiza cu su escrituranan y mensahenan tin un mision, esta cu e informacionnan no ta pa su so, pero cu e tin cu comparti nan pa medio di un publicacion y asina su buki "Beyond Insanity" a mira claridad di bida.

Na presentacion di su prome coleccion di poema Rosabelle kier duna e lus (e candela) bek locual cu ela ricibi di dje y e forma cu ela simbolisa esaki ta door di kima un ehemplar di e buki.

Rosabelle su obranan ta ser acompaña cu ilustracionnan magistral di e gran maestro Nigel Matthew, kende ta e persona cu a transforma Rosabelle su informacion y escrituranan den pinturanan visual cu dimensionan cu por wordo



alcansa y splica solamente no toca.

Diseño di e buki tabata gran parti den mannan di Fernando Vermeer di Checkpoint Color y di Irene Peterson.

Aunke cu Rosabelle den su bida diario tin su rasgonan caracteristico y conducta di un hoben, su poemanan ta sobresali pa su edad.

Su independencia y boluntad ta resalta tambe no solamente den e poemanan pero tambe den su presentacion. Contra tur reglanan di tipografia, cada escritura/poema conoce un otro tipo di letra, cu cual Rosabelle kier expresa e karakter y e ambiente di e teksto grafico.

Nigel Matthew a sa di interpreta y refina e escrituranan aki den un gusto artistico.

Lo tin personanan – mescos cu Nigel Matthew – cu sa exactamente kiko Rosabelle kier trece dilanti, pero pa otronan e coleccion aki "Beyond Insanity" lo ta un desafio pa compronde e interior y e mundo di Rosabelle pa asina experiencia un propio "wake up call".

E buki "Beyond Insanity" ta contene 34 obra y 6 dicho y tur ta ilustra diferente aspecto, topico y tema tanto di e bida terrenal cu nos ta comparti tur dia como e bida universal cu pa mayoria di nos ta un misterio.

Rosabelle, un hoben estudiante y den pleno di su hubentud, ta bishitando Colegio Arubano y ta bayendo pa su ultimo aña di VWO.

Pa aworaki lo e kier studia Parapsychologia pero su opcionnan ta keda semper habri pa profesionalisa su mes den cualkier direccion. "Beyond Insanity" a ser publica cu cooperacion di UNOCA y e coleccion ta obtenibel pa AFLs. 36. = serca Betty Werleman, na telefoon 5930980 y na oficina di UNOCA of por order e via e webpage www.rosabelleilles.com

Pa mas informacion di y comunicacion cu Rosabelle Illes por bishita su webpage: www.rosabelleilles.com.